

POZIV ZA UČEŠĆE U OBUCI

Nemaš posao?

**Nisi uključen/a u formalno obrazovanje
(srednja škola, fakultet..) ili
neformalno obrazovanje (kurs, trening..)?**

Imaš između 18 i 30 godina?

Dolaziš iz Tuzle, Lukavca ili Živinica?

**Zainteresovan/a si za stipendiranu
obuku do lakšeg zaposlenja?**

OVO JE PRILIKA ZA TEBE

Prijavi se za učešće u programu Sve na jednom mjestu obuke, u okviru koje će 25 stipendista i stipendistkinja usvojiti vještine neophodne za uspjeh na savremenom tržištu rada.

Program će se realizovati u periodu od septembra 2023. godine do juna 2024. godine za odabrane mlade osobe koje će potpisati ugovor o stipendiranju.

Sve na jednom mjestu metodologija predstavlja inovativan vid obuke mladih osoba, jer omogućava kompletan i sveobuhvatan set edukacija i stručne savjetodavne i mentorske podrške na jednom mjestu s ciljem sticanja ili unapređenja vještina i znanja neophodnih pri zapošljavanju.

Prvi dio programa obuke podrazumijeva:

- 1. kurs prenosivih vještina,**
- 2. kurs finansijske pismenosti,**
- 3. kurs poduzetništva**
- 4. razvoj biznis ideje i mentorska podrška.**

I TO NIJE SVE!

Program je obezbijedio i razmjenu iskustava stipendista i stipendistkinja na regionalnom nivou kroz **studijske posjete** zbog informisanja o prekograničnom uticaju tržišta.

Nakon uspješno završenog programa obuke, stipendisti i stipendistkinje će biti u prilici da predstave stečena znanja i vještine, odnosno biznis ideje njihovih timova na **Elevator Pitch** događaju i povežu se sa poslodavcima.

Ukoliko biznis ideja Vašeg tima bude odabrana kao jedna od tri najbolje, dobit ćete i **dodatnu mentorsku podršku** u vidu stručnog savjetovanja, podršku u procesu nalaženja dodatnih finansijskih sredstava i realizaciji drugih obaveza neophodnih za početak biznisa.

Više o programu obuke možete saznati [ovdje](#).

Ko se može prijaviti?

Ako si mlada nezaposlena osoba iz Tuzle, Lukavca ili Živinica (između 18 – 30 godina starosti) i imaš problema u pronalasku posla.

U procesu selekcije prednost će imati mlade osobe koje nisu zaposlene i ne pohađaju školu ili fakultet, dolaze iz ranjivih grupa mladih, te posjeduju osnovno znanje engleskog jezika i rada na računaru.

Kako da se prijaviš za obuku?

Jednostavno!!! Potrebno je samo da klikneš na link i popuniš [prijavni obrazac](#).

Prijave su otvorene **do 31.10.2023. godine do 00:00 h**.

Ukoliko imaš dodatna pitanja u vezi sa obukom, ili ti je potrebna pomoć da popuniš prijavni formular, kontaktiraj Centar za edukaciju mladih putem telefona 030 511 565 ili CEM-ov BeeZone Biznis inkubator putem email adrese beezone@cem.ba.

Projekat „Sve na jednom mjestu za podršku omladinskom poduzetništvu i prekograničnoj saradnji“ je program koji Centar za omladinski rad (Srbija) provodi u partnerstvu sa Centrom za edukaciju mladih (Bosna i Hercegovina), Udruženjem mladih - UM Sremska Mitrovica (Srbija) i Fondacijom Tuzlanske Zajednice (Bosna i Hercegovina) u 6 općina prekograničnog regiona Republika Srbija i Bosna i Hercegovina.

Projekat je finansiran od strane Evropske Unije kroz program prekogranične saradnje Srbija – Bosna Hercegovina 2014-2020, u okviru Instrumenta pristupne pomoći (IPA II).